

**24 IANUARIE**  
**RUGACIUNEA**  
**SF.MUCENIC**  
**IOAN DE LA KAZAN**

**Молитва**

Дивный во страдальцах, страсотерпче Господень Иоанне! К тебе, скорому помощнику и теплому молитвеннику, недостойнии, прибегаем, смиренное моление приносяще: не презри ны, немощныя, по вся дни и часы в беззакония впадающия. Ей, святче Божий, не остави ны, твоя милости приносящия, велие бо имаши дерзновение ко Христу Богу нашему, яко многи муки и страдания за Него и главы усечение от неверных агарян приял еси и, ныне со Ангелы Престолу Божию предстоя, умоли Господа Бога избавити ны от всякия скорби и болезни и всякаго зла, наипаче же от нахождения врага темнаго, Церкви Православней благоденствие даруй; град Казань, в немже страдания приял еси, и всю землю Русскую миром огради, от всякаго злаго обстояния избави и вся, к животу временному полезная и ко спасению вечному приводящая, даровати нам у Господа Бога нашего испроси, да молитвами твоими

христианскую кончину получить все  
сподобимся и, козней диавольских и муки  
вечныя избавльшеся, безконечнаго блаженнаго  
Царствия причастницы будем, славяще Отца, и  
Сына, и Святаго Духа ныне, и присно, и во веки  
веков. Аминь.